

8. mal 8. ist 64. In Vlmer Eich/da der Aymer hat 120. maß/ seind solche Zahlen/ 10. vnd 12. oder 30. vnd 4: oder 6. vnd 20. 22. Anderstwo/da der Aymer 60. maß begreiffte / seind solche Zahlen 5. vnd 12. 6. vnd 10. 15. vnd 4. Ich will allhie gebrauch en disen Aymer/ so 64. maß inn sich helt / vnd zwar die Zal 8: also daß so wol im Maß oder langen Stab / als inn dem Tieff Stab 8. mein Zal sey/ deren ich gebrauch en will.

Darnach so laß dir auß gutem harten Holz zwen Stab in gleicher läng/ gevierdter Form zurichten: deren jeder insonderheit auff einer seitten in 8. gleiche theil soll abgetheilet werden/ dise abgetheilte theil leg gegen einander/ vnd füge sie mit einer nutt/ vnd zweyen klämlin vnd zwinglin zusammen/ damit sie in einander gehen/ vnd doch keiner vom andern weich. Es soll auch an jedem Stab ein haef gemacht werden/ damit der Stab zum Gebrauch desto tauglicher sey/ vnd dise zween Stab werden hernach für einen gebraucht/ vnd der doppelte Stab genannt.

Zum dritten/ nimm/ ein solchen ganzen theil (das ist/ ein achtel des Stabs) vnd reiß es besonder auff ein ebenen glatte tisch/ oder auff ein steiff Papir/ vnd theile denselbigen achten theil/ in 100. gleiche theil/ welches ich nenne Mensorem.

Zum vierdten/ magst auff disen gedoppelten Stab auch die Register schreiben/ wie sunst gebräuchlich / ohn noth allhie vill meldung zuthun. Vnd weils der Stab zween/ der platz oder raum auch zimlich groß/ so magstu von dem 16. puncto anfas hen/ vnd auff alle nachfolgende als 17. 18. 19. 20. 21. 22. 23. 24. 25. 22. die Register machen: so wirst du wunderbare behendigkeit im Vlseren spüren.

Zum fünfften/ gehe mit diser deiner gemachten doppelten Ruthen in die Eich/ vnd laß dir alda ein rechtmessig wol proportioniert Fas/ das doch vnbresthaft vnd ganz sey/ mit allem fleiß abzeichnen: welches Inhalt an Aymer vnd Massen fleißig mercke.

Als